

河南汝寧府汝陽縣爲重修省志以



康熙二十九年六月二十二日蒙

巡撫河南等處地方提督軍務兼理河道都察院右副都御史加四級閣

憲票前事照得詩書雖缺必取信於師儒典禮  
不亡幸取徵於文獻故國有史邑有志所以辨  
風俗稽戶口崇懿徽示法守也矧豫州居天下  
之中四方道里所均而可殘佚不補哉本都院  
下車以來卽檄取各府州縣志細加繙閱其率

汝陽縣志

卷之一

院檄

畧舛譌十之七八卽欲令各府州縣重爲纂輯  
恐時絀舉羸故爾中止獨省志爲八郡一州之  
綱省志修則綱領備而條目可以徐及但自我  
皇朝順治己亥以後歷三十餘年未經續修若再因  
循則世遠言湮譜乘散遺老成凋謝尚何從徵  
信耶迺於五月朔設局嵩陽書院敦聘先達身  
任其事而三十年來一應事蹟必須所屬地方  
博訪開列以憑考覈爲此票仰汝陽縣官吏查

照粘單事理親自採訪務在精詳毋得遺漏取  
駁未便文到除將該縣舊志呈送外餘限十五  
日內造清冊報送立需付局慎毋遲延速之慎  
之計粘單一紙等因到縣蒙此又於康熙二十  
九年八月初二日蒙

巡撫河南都察院 憲牌爲續修志書以存文獻  
事照得郡邑有志必信必徵始足傳後其間博  
而不支簡而能盡彬彬大雅上之可列於職方

汝陽縣志

卷之一

院檄

一

下之可藏於石室蓋有關於政治者非汝也豫  
省當天 下之中道里所均古聖先賢大半發跡  
於斯則輶軒所至未有不訪其故實者而郡邑  
之志已三十餘年莫之增修其爲遺漏者多矣  
又昔年修志止取備文未加考訂或限以數日  
或所託非人本都院逐一查閱府志如河南南  
陽縣志如宜陽河陰蘭陽等志荒悖失倫莫可  
枚舉至於安陽汲縣乃彰德衛輝兩府首邑

無志書尤爲缺典今本都院已將通省志書設局修正而各府州縣所送續冊未能畫一又通志所載限於定格不能如府州縣之詳則三十餘年所遺者十之六七自此漸遠漸至凋殘文獻無徵何從取信矧此三十年皆我

皇上生聚教養之所培育其戶口日增土田日闢文治隆而風俗厚災祥見而官民警安可不大書特書以爲一代盛典哉擬合通行續修爲此牌

汝陽縣志

卷之一

院檄

三

仰該縣官吏照牌事理卽延文學名儒熟知典故長於史事者博採典章蒐羅遺軼其舊志未載者一一補之舊志之外譌者悉改正之不得以同名疑誤相沿不得以稗官小說攙入本都院又恐各屬參差不齊未歸畫一將凡例開明粘單於右悉照此爲規程若夫叙論之古雅典茂俱屬才人之大筆在乎各自留心稿成先將草本呈送本都院披閱裁定其所費紙張工料

須量力捐資慎勿絲毫派之民間諒此不朽之盛舉可指日觀成也速速計粘單一紙一總圖須精詳一沿革須照諸史考證毋得混入不必過多一天文畧摘切要者勿用混載以分野所躔者廣也一四至疆域要考正一建置城池須載明幾時建某人修一一查明學校止載起建修葺不必載閒文其新定樂舞等宜增入一河防宜先叙前代而以近今所開

所淤備細入之一鄉村鎮集止載方隅里數有古事者註之一公署止載創建始末一橋梁亦載建造始末一倉庫社學止載方隅建造月日一街巷坊第須註明何處已上凡有事實者當詳考而載之祀典及書院考正載之勿遺一山川須考果係封內者方載入不可遺漏河道要將近日所開濬淤塞變遷等造明其闢事實備細詳查註明不可以小說摭入

如宜陽志之可笑也 一古蹟須考明某代某人將事實證明不可遺漏不可以小說攙入如宜陽志之全載野史也 一風俗畧載之而自加論斷 一土產非地所出及平常草木可不必載須載其特產者 一陵墓須註明某代某人 一碑碣與否 一寺觀必奉 勅建或建置已久有可考者載之餘刪 一賦稅止載舊額若干新增新減若干不用一一細註有關係者

全載之 一職官須載其爵里時代年月有可紀者畧書之實係名宦則立一小傳於後須考正 一人物聖賢忠貞並入其科貢等必載其家世時代年月字某號某分別某科某項若係鄉賢爲立一小傳於後 一流寓孝義烈女隱逸方技各考實詳覈以載其節烈務在闡發幽光勿專載世家而遺寒素 一藝文須擇佳者或關邑乘者載之八景可不錄錄必錄其佳者

災祥雜志攸古爲之等因到縣蒙此該汝陽縣知縣丘天英查看得汝邑志書原自順治十七年纂輯修定歷今三十餘年一切事蹟未經續修卑職伏讀

憲檄諄諄慮及世遠言湮譜乘散遺老成凋謝亟以考覈徵信爲先彙編一省通志洵不朽大業於以昭日星而煥河嶽實一省之幸尤一郡一邑之幸也卑職遵將汝邑自修志後歷三十餘

汝陽縣志

卷之一

院檄

六

年事蹟廣詢博訪復延一二淵洽文士朝夕考訂或稍補前志所未備或蒐羅今茲所未晰其期覈實寧簡毋濫續成草本一編進呈

憲覽伏祈

憲鑒採擇芻蕘倘滄海不遺細流而泰山兼收土壤將隱軼重光對譌釐正永永羽翼經史闡揚聖朝右文至意下邑卑吏管窺蠡測益銜勒鴻造以無疆矣爲此繕具書冊備由具申伏乞

照詳施行須至申者

蒙

巡撫河南等處地方提督軍務兼理河道都察院右副都御史加四級閩 批

仰將發去志稿查照粘簽逐加詳細覈實另繕清冊一樣二本同原本一併申送關奪繳

又蒙

論批 該縣所續修志取材既博考據亦詳不獨增後此之未備兼能補前人之所遺可謂留心

汝陽縣志

卷之一

院檄

七

史乘者且文筆古藻無冗弱之弊具此手筆將舊志細爲刪潤以成完璧以襄

國史可也

康熙二十九年九月

日

形勝

縣稱附郭談形勝皆本諸郡高山大阜巨澤長湖  
凡隸諸邑者壯邑所以壯郡也登景彞之臺眺  
汝海自西東下復折北向逶迤而東蜿蜒而南  
蟻城居中央以懸瓠名者謂其曲抱三面若蒂  
蔓相引然爾天中嵯峩於右洪流潏潏於左大  
陸纏於後沃野連於前周覽汝墳允稱陸險與  
記云負山襟淮控扼潁蔡風土當天地之中規

模檀東南之勝

山川

天中山 城北三里一名天臺山上土下石高丈許因豫為九州之中汝尤為四方之中有顏

魯公大書

天中山碑

東岡 城東十八里

西岡 城西五里

南岡 城南三十里

中岡 城南六十里

汝河 源出汝州天息山由舞陽黑龍泉西平棠溪雲莊諸澗遂平馬鞍諸山三水合流入重架

汝陽縣志

卷之一 山川 九

逕上蔡汝陽真陽新蔡息縣受洪河東北逕潁州文亭南又東南逕固始朱臯鎮北入淮

颯河 城西北三十里源出舞陽縣西蘇寨山逕象

埠西轉而南入汝一東南受傅家溝至姚家灣入汝俗名泥河

黃西河 城西十里源出樂山紫花澗東逕駐馬店南過黃龍邨又東過董邨又東入里受寨

河水逕斷濟橋西北受冷水河東逕李秀橋九座塔北轉而南折至城西北入汝一名練江

寨河 城西十五里源出樂山白龍泉東逕馬莊橋半截塔受鑼鼓河水北入黃西

鑼鼓河 城西十八里源出駐馬店逕黃練舖白馬將軍廟西北入寨河

英河 城西南十六里源出朱家林南逕白馬橋而東逕石羊橋又東逕十二里橋入汝又

南受方良河水  
谷名半截河

方良河 城東南十八里通汝水

漆河 城南十八里源出桐栢山東逕明陵城西折而南受吳衛河又東逕北宜春南受淇河東

逕官莊魚子河又東北逕漆口店入汝又東南逕平輿安城北折而南入真陽境受固城港塘

下河經寒凍東受杭陂港水又東南受淇水東入息縣境受澗頭港曲閣港諸水東北逕新蔡

官津店三岔河口俗名沙河

澧河 城東四十里源出鄆城周家陂逕西平東北受汝水東逕五滸營東南逕上蔡又東南受

泥河逕朱滸受杜溝東西入汝水受馬常河又東南逕平輿又東逕新蔡東流入汝俗名洪河

汝陽縣志

卷之一 山川 十

馬常河 城北二十里源出丘家坡逕金鄉舖南過板橋店東入澧

荆河 城東五里源出天中山西逕石羊橋匯懸瓠池遠北堤外受穆家河又東至射橋南入澧

穆家河 城東南五里源出黑龍潭遠城東北入荆

十家湖 城北十里宋名車網湖今廢

西湖 城西南隅宋孔武仲隱居於此有翠光亭待月臺今廢

南湖 碧亭朱檻曲榭崇臺東抱觀音閣西連吉祥寺煙月空濛林壑窈窕士人遊賞勝地今廢

錦繡溪 城南十里

三角湖 城東北十里俗呼菱角湖

山川續

丘天英

杜溝四道 知縣丘天英濬

馬常河一道 知縣丘天英濬

包河一道 知縣丘天英濬

荆河一道 知縣丘天英濬

北關邢家堤一道 知縣丘天英築

汝南古稱澤中 每經靈潦濱河禾稼無復存者

蓋郡之西北吳房朗陵諸山水皆東流而河道

汝陽縣志

卷之一

山川續

十一

淤塞不能容水 此氾濫之所由來也昔鄧晨為

汝南守築隄四百餘里賈逵為刺史穿渠三百

餘里汝南水害久勞賢守令之經營矣今

通之其為汝民利賴者亦庶幾鄧賈之萬一云

汝陽治水議

丘天英

按水經汝邑有四大水由梁縣而來經西平上蔡抱郡城而東由新息以入淮者汝也由遂平上蔡至烟亭而與汝合者瀨與濯也俗所謂沙河也由確山東南而來去郡城二十里而與汝合者表衣也俗所謂漆頭河也由上蔡而來至郡城東七十里經廟灣楊埠至新蔡與汝合者滍也俗所謂洪河也其他若荆河陡河及溝港不可勝數汝地平

汝陽縣志

卷之一

山川續

十二

衍並無岡陵以障之且去朗山嶺呀諸山皆百餘里故每經霖雨山水暴下河不能容滙爲巨澤禾稼不復存矣故古之守茲土者或築堤或穿渠若鄧晨賈逵最著至於塘堰陂池所在皆是故跡湮沒不知誰氏所修大率皆良守令留心民事者之所建也故汝民一歲不登則饑再歲不登則流離皆水之害也誠欲百室盈而婦子寧非依古人築堤穿渠之法不可然工役浩大未可旦夕告成且

小民易與樂成難與慮始未見其視而先見其詛  
此良有司所當酌時量力而亟爲之圖也

汝陽縣志

卷之二

山川續

十三

汝陽縣志敘

汝陽舊有縣志矣何以復修也舊志成於順治間距今已三十餘年其中山川里道河渠官爵之類因革增損之不同恐日久而其詳不可得聞奉大中丞閻公檄來續之也公之意曰一統志將告成矣關心國是者謂

聖天子右文考古宜乎鑒今午夜披圖一朝而勅郡國奏版籍其將何辭以對必責之有司詢其成獻不汝陽縣志 卷之一 序 東手斂容乎天英乃捧檄而起召父老而進之告以揚

天子之休命皆曰諾當年縣志缺畧不過附府志以行後此縣志較詳然而詳之中未免有畧焉者茲可得因而補之矣於是自禹貢伊獻王會而剖魯壁竹書塚紀之藏發桑經躑注而晰常璩鑿齒周斐之祕羽翼夫翳經璞解而證佐夫應劭王圻由馬常而下者則杜溝疏焉包荆諸河不得肆爲澎湃

矣四水辨而淮汝通又何有雷雨登舟之憾耶戶  
口則歷審有籍焉指畝畝而問疆隅如在指上觀  
矣而丁徭可無疎漏也瞻拜至聖之堂恍登昌平  
洵見其廟貌嚴肅衣冠雍和而笙磬鏗鏘鐘虞古  
處矣所以循良在上樸魯盈野甘棠之翦伐誰不  
興歌耶宦蹟有考月旦有評不幾聞絃歌於單父  
之堂揖流風於許邵之室而文武同登夔龍接武  
洋洋大觀哉已而溯羅泌之書借光太任考貞白

汝陽縣志

卷之一 序

之集又得少張順陽應氏諸篇陳壽章懷之注羅  
列篇什輝煌晉志者又若唐宗率諸臣親游夫瀛  
洲之上也至於祖無擇西齋之話羅大經玉露之  
章千令昇之搜神羅昭諫之碑議不已攜手陶潛  
擁篲夢得若綜陶姚諸公撰說郭而斂祕冊括津  
逮而眺學海辯天祿外史之譌洽洪邁沈括於青  
網之內乎是役也

中丞大夫之檄謂中州郡邑自庚子以後人才漸盛

矣而內院祕閣不讓石渠虎觀其琳瑯武庫者  
更盛於崇文不嚴爲考覈再訂精詳甲乙丙丁之  
觀又何以媲美前代之蹟天英稽首拜命曰敢不  
竭乃心力以成我

大中丞之志乎檇杙春秋不過古之志書耳得其人  
則千古不得其人則瞬息其所以千古瞬息者無  
人焉以究竟之耳今海內晏安矣禾黍有秋矣爲  
吏者得優游簿書之下集明經博學李根茂輩於

汝陽縣志

卷之一 序

三

風雨鷄鳴之夕曰若者當補若者當續辨魯魚而  
訂亥豕俄而香生花樹俄而氣馥桐陰泰階平而  
更漏永非

聖天子盛治之休

大中丞文教之美下吏奔走風塵當不知何如也而  
得與於今日之閒暇者亦必有自矣續志成而并  
爲之敘

康熙二十九年庚午嘉平月旣望知汝陽縣事古

新豐丘天英撰



汝陽縣志

卷之一 序

四

